

lando ut prius; toties facito donec clarissima à facibus exierit. sicque restabit tibi rubrum oleum ad aurum, Indico, quod ad nos vehitur purius, tali autem copia, ut nusquam defuturum sit. Adhæc, bene vale candide Lector; viveque nostri memor. Goudæ, Mense Martio, Anno 1601.

Tuus AD OMNIA

NICOLAUS BARNAUDUS
Medicus à Crista Arnaudi Del-
phinas Gallus.

DE OCCULTA PHILOSOPHIA.

Epistola cuiusdam Patris ad Filium.

ARcanum omnium arcanorum, secretum secretissimum huius tam inclytæ scientiæ tibi, fili carissime, revelabo, prout manibus nostris tetigimus, & oculis corporeis vidimus, & adjuro te per eum qui cuncta creavit, ut nemini hoc sanctissimum, & excellentissimum munus tradas, sed ut more philosophorum illud celes, & non mireris si tecum palam locutus sum, quia jam à pluribus annis errores tuos cognovi: vidensque tuum frequentissimum studium, tuamque sollicitudinem, non potui resistere voluntati meæ, quin ipsa tibi traderem, quicquid verear animæ meæ pœnam inferre. Sed fili carissime, si mandata nostra servaveris bonum consequeris effectum, & antequam ad practicam accedamus tibi aliqua principia naturalia detegemus, ut ipsis cognitis credas, quod inferius sequetur.

Sunt principia huius famosæ scientiæ eadem quæ & naturalia in metallis. Metallorum autem principia, super quibus natura fundatur in suis actionibus in ipsis formandis sunt istamet. Materia ergo omnium metallorum in suis mineris, de qua ipsa generantur & creantur, est aqua sicca, quam aqua vivam, vel argentum vivum nominamus, & spiritus foetens, quæ aliter sulphur appellamus, non tamen in natura sua prout sunt in mineris creata: quia in locis ubi generantur & creantur nullum metallum invenitur. Sed poti⁹ ista materia est quædam substantia naturalis, à Deo, & à natura creata habens in se substantiam sulphuris & mercurii, sive argenti vivi, & ex ista tali substantia, vel materia duorum prædictorum procreata, generatur & creatur quædam substantia subtilis fumosa in
visce-